



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LWESIBILI (P2)

LWETI 2010

EMAMAKI: 70

SIKHATSI: 2 ema-awa

Leliphepha linemakhasi lali-19.

TICONDZISO KULABAHLOLWAKO

1. Fundza lelikhasi ngembikwekutsi ucale kuphendvula imibuto.
2. Ungalifundzi lonkhe liphepha lemibuto. Buka lokucuketfwe ekhasini lelilandzelako bese ubeka luphawu kulowo nalowo mbuto lobutwe ngetincwadzi lotifundze lonyaka. Emva kwaloko, fundza leyo mibuto lenetimphawu kuphela bese ukhetsa leyo lofuna kuphendvula yona.
3. Liphepha lemibuto licuketse TIGABA LETINE:

SIGABA A:	Inoveli	(35)
SIGABA B:	Umdlalo	(35)
SIGABA C:	Tindzaba letimfishane	(35)
SIGABA D:	Tinkondlo	(35)
4. Landzela ticondziso ekucaleni kwaleso naleso sigaba.
5. Phendvula ngetincwadzi LETIMBILI lotifundze lonyaka. Phendvula MUNYE umbuto kuyinye ngayinye incwadzi.
6. Tinombolo tetimphendvulo atihambisane naleto temibuto njengobe tinjalo ephepheni lemibuto.
7. Cala LESO NALESO sigaba ekhasini LELISHA.
8. Bhala ngesandla lesibonakalako nalesifundzekako.
9. Siphakamiso sekulawulwa kwesikhatsi singaba ngemaminithi langema-60 kuleyo naleyo ncwadzi.

LUHLA LWEKUTIKHUMBUTA

Lelikhasi litawusita bahlolwa ekukhetseni imibuto LABAFUNA kuyiphendvula ngaphandle kwekufundza lonkhe leliphepha lemibuto.

SIGABA A: INOVELI			
Phendvula NOBE NGUWUPHI UMBUTO UBE MUNYE.			
INOMBOLO YEMBUTO/INCWADZI	UMBUTO	EMAMAKI	LIKHASI
1 Kwasha Tikhotsa	Umbuto loyindzabambhalo	35	4
NOBE			
2 Kwasha tikhotsa	Imibuto lemifisha	35	4 – 5
SIGABA B: UMDLALO			
Phendvula NOBE NGUWUPHI UMBUTO UBE MUNYE.			
3. Lahloma Ladvuma	Umbuto loyindzabambhalo	35	6
NOBE			
4. Lahloma Ladvuma	Imibuto lemifisha	35	6 – 8
SIGABA C: TINDZABA LETIMFISHA			
Phendvula NOBE NGUWUPHI UMBUTO UBE MUNYE.			
5. Litsambo	Umbuto loyindzabambhalo	35	9
NOBE			
6. Litsambo	Imibuto lemifisha	35	9 – 11
SIGABA D: TINKONDLO			
Phendvula NOBE NGIYIPHI IMIBUTO IBE MIBILI			
7. Letfwese	Imibuto lemifisha	17½	12 – 13
NOBE			
8. Letfwese	Imibuto lemifisha	17½	13 – 14
NOBE			
9. Letfwese	Imibuto lemifisha	17½	15 – 16
NOBE			
10. Letfwese	Imibuto lemifisha	17½	16 – 18

LUHLA LWEKUTIKHUMBUTA:

Lelikhasi litawusita bahlolwa ekucinisekeni kutsi baphendvule imibuto lefanele.

SIGABA	TINOMBOLO TEMIBUTO	LINANI LEMIBUTO LEPHENDVULIWE	THIKHA
A: INoveli (Indzabambhalo nobe imibuto lemifisha)	1 – 2	1	
B: Umdlalo (Indzabambhalo nobe imibuto lemifisha)	3 – 4	1	
C: Tindzaba letimfishane (Indzabambhalo nobe imibuto lemifisha)	5 - 6	1	
D: Tinkondlo (Tinkondlo letifundvwe ekilasini)	7 – 10	2	

SIGABA A: INOVELI

Khetsa umbuto ube MUNYE kulelandzelako uphendvule imibuto letawulandzela.

UMBUTO 1: KWASHA TIKHOTSA – LL Dlamini

Bhala indzabambhalo lenemagama langabi ngaphasi kwema-190 futsi angabi ngetulu kwalangema-240 uphawule ngeludvweshu lwangaphandle kulenoveli.

[35]**NOBE****UMBUTO 2: KWASHA TIKHOTSA – LL Dlamini**

Fundza lethekesthi bese uphendvula imibuto letawulandzela.

"Ngiyajabula kutfolaleliffuba lekutsi sifakane imilomo kwekugcina Sandlane," kusho Mswati. "Ngabe icondze kutsini iNgwenyama uma ikhuluma ngekufakana imilomo kwekugcina?" Kubuta Sandlane. "Hhayi, ungetfuki ndvuna yami. Kufa kukhashane natsi. Emadloti atawusigadza asiphephise elulakeni lwetitsa. Tiyawujabha tonkhe titsa tikhotsamele Mswati. Ngiyawukwehluleka kuhola sive uma kusho kutsi bengingakadalelwa lesikhundla. Lengifuna kutsi sikukhulume futsi siphume nesincumo sako manje yindzaba yabomnaketfu lengime emphinjeni. Ngibatse ngiyayigwinya, ayehli," kusho Mswati aphaatseke kabi. "Ngabe kuvakeleni ngebantfwabengkosi Ngwenyama yesive?" Kubuta Sandlane. "Tivakele tindzaba Sandlane kutsi babambisene netitsa tetfu sisadla emabele," kusho Mswati akhombisa kuva buhlungu lobumangalisako ngaloko lebesakuhabulile.

- 2.1 Yini leyabangela kutsi iNgwenyama Mswati wesibili ibite indvuna yayo Ekufinyeni?

Khetsa YINYE imphendvulo kuleti letilandzelako:

- A Kutewucocisana netitsa letifuna kuwisa umbuso.
- B Kutewucolela Somcuba.
- C Kutewukhuluma nemadloti.

(1)

- 2.2 Ngubobani letitsa lekukhulunywa ngato kulethekesthi?

Khetsa YINYE imphendvulo kuleti letilandzelako:

- A Belumbi.
- B Indlovukati.
- C Bantfwabengkosi.

(1)

- 2.3 Ngubani indvuna lenkhulu yenkhosi?

Khetsa YINYE imphendvulo kuleti letilandzelako:

- A Fokotsi
- B Sandlane
- C Khambi

(1)

- 2.4 Nasilandzela lenkhulumo letsi, "... sifakane imilomo kwekugcina Sandlane," Mswati ucondze kutsini?

Khetsa YINYE imphendvulo kuleti letilandzelako:

- A Kukhulumisana
- B Kutsetsisana
- C Kudlisana

(1)

- 2.5 Lobukhosi lobubangwako babani?

Khetsa YINYE imphendvulo kuleti letilandzelako:

- A BaSicobolonjwane
- B BaNdlela
- C BaMswati

(1)

- 2.6 Sincumo sini lesatsatfwa yinkhosi Mswati na Sandlane?

(2)

- 2.7 Phawula ngesibekandzaba kulenovel. Bhala emaphuzu abe MABILI.

(2)

- 2.8 Uyini umsebenti wendlovukati yeMaswati? Phawula emaphuzu abe MABILI.

(2)

- 2.9 Shano kutsi lamaphuzu lalandzelako ALICINISO nobe ALIPHUTSA bese uyasekela kutsi usho ngani.

2.9.1 Sicobolonjwane abeyinhloli yenkhosi?

(2)

2.9.2 Khubalo abeyinceku yenkhosi?

(2)

2.9.3 Umuti waMswati wesibili kukaMahamba.

(2)

2.9.4 Gwalagwala yinyanga yesive.

(2)

- 2.10 Kwaba yini siphetfo saSomcuba. Chaza ngemaphuzu LAMABILI.

(2)

- 2.11 Nika emasiko LAMABILI lavetwe kulenovel.

(2)

- 2.12 Ngabe sihloko sendzaba siyahambelana nalokwenteka enovelini? Bhala emaphuzu abe MATSATFU.

(3)

- 2.13 Fokotsi uvetwe njengemlingisi lonjani ngekwesimilo? Sekela imphendvulo yakho ngemaphuzu laMATSATFU.

(3)

- 2.14 Ngabe tigateko letenteka kulendzaba tiyakholweka yini? Sekela ngemaphuzu laMATSATFU.

(3)

- 2.15 Ufundzani ngesento saMswati kuletheksthi lengenhla?

(3)

SAMBA SIGABA A: 35

SIGABA B: UMDLALO

Phendvula INDZABAMBHALO nobe IMIBUTO LEMIFISHA.

UMBUTO 3: LAHLOMA LADVUMA – Z Motsa

Bhala indzabambhalo lenemagama lasemkhatsini weli-190 nema-240 uphawule ngaletihlokwana letilandzelako letitsintsa ingcikitsi yalomdlalo.

Emandla elutsandvo.
Umtsetfo nemasiko.
Kungatiphatsi kahle.

[35]**NOBE****UMBUTO 4: LAHLOMA LADVUMA – Z Motsa**

Fundza lethekesthi lelandzelako bese uphendvula imibuto letawulandzela.

VUSEMATFWA:	<i>(Ambukisisa)</i> Hawu,ngabe uyagula yini? Wasuka waba mfisha ngemavi nje ngikudvumisa?
KHETSIWE:	Kantsi cha, Zinyane. Angiguli,kugula inhlitiyo nje.
VUSEMATFWA:	<i>(Anatsa futsi)</i> Chubeka ngilalele. <i>(Usula tindzebe ngenhlanekela.)</i>
KHETSIWE:	<i>(Asuluke abheke ngakuye.)</i> Kukhona lokungangetsabisi kahle Zinyane. LesiBhimbi lesitako ngemhlomunye kwangatsi singitfwalele sangcotfo.
VUSEMATFWA:	Awusafuni yini kuba yiNdlovukati yeBatfwa? Utawushonaphi pho, ngobe kawutikhetsanga, wakhetfwa sive? Tsemba mine konkhe kutawulunga.
KHETSIWE:	Ngetsembe wena? Udlana nemabele kanje? Ye-hhe silima ndzini, hlala-ke ugojelane nematjwala, wetsembele emakhambeni! Buyahamba bukhosi siphundvu kawuboni! Natsa-ke wena Malalembiteni,utawubonga sitja sewubona bangidvonsa ngesiBhimbi banginika Ndvukutemphi.

4.1 Yini lena leyenta Vusematfwa acabange kutsi Khetsiwe uyagula?

Khetsa YINYE imphendvulo kuleti letilandzelako:

- A Khetsiwe uyakhala.
- B Khetsiwe mfisha ngemavi nome advunyiswa.
- C Khetsiwe wehlile emtimbeni.

(1)

- 4.2 Kungafuni kweMbiba-nchanti kutsi kubulawe Tsembative naKhetsiwe kwenta lomdlalo ungabi yimbangalusizi. Shano kutsi uluhlobo luni.

Khetsa YINYE imphendvulo kuleti letilandzelako:

- A Senamisi
- B Ngumdlalo wasesiteji
- C Ngumdlalo weTelutsandvo neTingwazi (1)

- 4.3 Lelifu leliloku lidvume njalo kulomdlalo liluphawu lwani?

Khetsa YINYE imphendvulo kuleti letilandzelako:

- A Tehlo letimbi esiveni seMbiba.
- B Kutawuba nenala kulomnyaka.
- C Kuhlasela kwetikhukhula esiveni seMbiba. (1)

- 4.4 BoVusematfwa naNdvukutemphi kadze bacala kungevani. Babangani?

Khetsa YINYE imphendvulo kuleti letilandzelako:

- A Babanga Khetsiwe.
- B Babanga bukhosi.
- C Babanga Madzandza. (1)

- 4.5 Kuphahlaka kweludziwo kushoni emphilweni yaNdvukutemphi?

Khetsa YINYE imphendvulo kuleti letilandzelako:

- A Kungaphumeleli kwakhe kutfofa bukhosi.
- B Kwehlula etimphini.
- C Kwehlukana naMadzandza. (1)

- 4.6 Caphuna emavi aKhetsiwe laveta kukhatsateka kwakhe kuletheksthi lengenhla. (2)

- 4.7 Ngabe inkhulumiswano nemnyakato kuyahambisana yini kuletheksthi lengenhla? Chaza. (2)

- 4.8 Catsanisa indlela Vusematfwa laphatsa ngayo Khetsiwe naleyo Ndvukutemphi laphatsa ngayo Madzandza kulomdlalo. (2)

- 4.9 Ngabe KULICINISO nobe KULIPHUTSA kutsi Khetsiwe akaguli, kugula inhliyo? Sekela imphendvulo yakho. (2)

- 4.10 Ngabe loluvalo lwaKhetsiwe ngaVusematfwa lujike lwaba LICINISO nobe EMANGA ekuchubekeni kwalomdlalo? Sekela ngemaphuzu LAMABILI. (2)

- 4.11 Chaza kutsi Tsembative ulilandzele kangakanani libito lakhe kulomdlalo. (2)

- 4.12 Kungani kube lukhuni kuNdvukutemphi kwamukela kukhulelwa kwaMadzandza? (2)
- 4.13 Loku lokwenteka kuletheksthi lengenhla kungadlaleka yini esiteji? Sekela imphendvulo yakho. (2)
- 4.14 Bhala emabito aletinhlobo letilandzelako tebadlali kulomdlalo:
- 4.14.1 Imbangi (1)
- 4.14.2 Ummeleli (1)
- 4.15 Sento saQedizizwe sekubulala Ndvukutemphi nekusoma liphovela lakhe sisifundzisani? (2)
- 4.16 Chaza kutsi kufa kwaNdvukutemphi kuwutfufukisa njani lomdlalo. Nika emaphuzu LAMABILI. (2)
- 4.17 Kwamsita ngani Vusematfwa kufana kwakhe naTsembative? Chaza. (2)
- 4.18 Luhlobo luni lweludvweshu loluvela kuletheksthi lengenhla? (2)
- 4.19 Inkhulumiswano yalabadlali labakuletheksthi lengenhla ibumbene kanjani nesibekandzaba? Chaza. (2)
- 4.20 Ngekubona kwakho, kufihlelwa kwaKhetsiwe emaciniso ngaTsembative esiBhimbini sekukhetfwa kwenkhosi kusinika sitfombe lesinjani ngemadvodza? (2)

SAMBA SIGABA B: 35

SIGABA C: TINDZABA LETIMFISHANE

Phendvula INDZABAMBHALO nobe IMIBUTO LEMIFISHA.

UMBUTO 5: *LITSAMBO* – EJ Mhlanga

Ngalesinye sikhatsi bantfu bayatibitela kuhlupheka ngekungasebentisi ingcondvo nabatsatsa tincumo, bese emaphutsa bawabona kamuva. Fakazela lombono longenhla ngekubhala indzabambhalo uyibhekise endzabeni letsi "IMALI LENGAKA". Indzabambhalo ayibe nemagama langabi ngaphasi kwema-190 kodvwa angabi ngetulu kwalangema-240.

[35]**NOBE****UMBUTO 6: *LITSAMBO* – EJ Mhlanga**

Fundza lethekesthi lelandzelako bese uphendvula imibuto letawulandzela.

***Wangenta Makhelwane* – MF Mkhonza**

"Lokwabonwa ngimi kwabonwa yinja ngenyeni, uyati ngiyavelelwa. Mine ngibuke kutsi Bonisile sekusele kancane kutsi acedze kufundza atewusebenta angiphumute kulenhlopheko lengibukene nayo, kantsi ngiyabhudza nje. Nango phela sewugugudlele, futsi nanyalo ungatsi uyangilaya nangumntfwana. Angati kutsi Mlangeni ngitambukelwa ngubani?"
Wayibita intfombi yakhe wayibuta. "Bonisile wazimuka kangaka, wacwatimula unani?"
"Anginalutfo make."
"Heyi wena Bonisile ngitsi mine unani mani? Khuluma"
"Angi ... angi ... a ..."

6.1 Besekumele acedzele tiphi ticu Bonisile kulendzaba?

Khetsa YINYE imphendvulo kuleti letilandzelako:

- A Matekuletjeni
- B Ticu te-BA
- C Ticu tebuhlengikati

(1)

6.2 Umuti waMlangeni bewakhiwephi?

Khetsa YINYE imphendvulo kuleti letilandzelako:

- A ELikazi
- B Emkhwakhweni
- C EQwaqwa

(1)

6.3 Lenkhulumo letsi "Lokwabonwa ngimi kwabonwa yinja ngenyeti" isho kutsini?

Khetsa YINYE imphendvulo kuleti letilandzelako:

- A Kuvelelwa inkinga.
 - B Kutfola sipho lesihle.
 - C Kufuyainja lelumako.
- (1)

6.4 Yini lenkinga leyenta kutsi Bonisile angasachubeki nekufundza?

Khetsa YINYE imphendvulo kuleti letilandzelako:

- A Wahlatjwa kugula.
 - B Wacoshwa enyunivesi.
 - C Wakhulelwa
- (1)

6.5 Ngubani libito lesingani saBonisile?

Khetsa YINYE imphendvulo kuleti letilandzelako:

- A NguBheki
 - B NguMandla
 - C NguMajaheni
- (1)

6.6 Condzanisa emagama lakuKHOLOMU A netimphendvulo letiku KHOLOMU B.

KHOLOMU A		KHOLOMU B	
6.6.1	Mlangeni	A	indzawo
6.6.2	LaSiwela	B	wacoshwa ngenca yemntfwana
6.6.3	Simonhlalo	C	Ungawutsembi umutsi wesintfu
6.6.4	LaMvila	D	Ngumakhelwane waLaZulu
6.6.5	Sifundvo	E	Nguyise lotala Bonisile

(5 x 1) (5)

6.7 KULICINISO nobe KULIPHUTSA yini kutsi umutsi waLaMalaza wamsita LaZulu kulenkinga yakhe? Sekela.

(2)

6.8 Ngabe inkinga nemlingisi losemcoka kuyavela yini esingenisweni salendzaba? Sekela ngemaphuzu LAMABILI.

(2)

6.9 Wena ucabanga kutsi umbhali walendzaba ulubhale walubeka kuphi luvutfondzaba kulendzaba?

(2)

6.10 Ngabe lusha lufundza siphi sifundvo ngesimilo saBonisile?

(2)

6.11 Ngabe ikhona yini ingwijikhwebu esiphetfweni salendzaba? Chaza.

(2)

6.12 Lesimo senkhulumo lesitsi "Angati kutsi Mlangeni ngitambukelwa ngubani" sibumbene kangakanani naloko lokwenteka kulendzaba? Chaza.

(3)

- 6.13 Umbhali walendzaba ubangelwa yini kunika lendzaba sihloko lesitsi "Wangenta Makhelwane"? (3)
- 6.14 Ngekubona kwakho Bonisile uyatisola yini ngalomtfwalo? Chaza. (3)
- 6.15 Kuya kwaLaSiwela kuLaMalaza kusitjela kabanti ngenkholelo yakhe. Fakazela lombono ngalokusendzabeni. (3)
- 6.16 Wena ucabanga kutsi Mlangeni watsini ngekufa kwaBonisile? (3)
- [35]**

SIGABA D: TINKONDLO

Phendvula nobe nguyiphi imibuto LEMIBILI.

UMBUTO 7

Fundza lenkondlo lengentasi bese uphendvula imibuto letawulandzela.

- | | |
|----|---|
| 1 | Ngakha bungani nemasok'emanyala |
| 2 | Alalisa lulwimi asike likhasi nge Z-3, |
| 3 | Ayilime insimi angakalifaki lijazi lemkhwenyana, |
| 4 | Ngife luhleko ngibona tilima titilimata, |
| 5 | Ngibatsi laphalati, ngitsi atilime tiy'etjeni! |
| 6 | Ngingematse nelulwimi nebuphuya nenkengane, |
| 7 | Ngingena ngelinceba, ngidle ngesutse, |
| 8 | Ngibasoma basemahositela ngibange basemahhotela. |
| 9 | Tintjwebe letingondli imindeni nabodali emakhaya |
| 10 | Tingisita kushiyelana ligwayi nebesifazane |
| 11 | Labachwandzela emachwane abo kulelive. |
| 12 | Ngitfumbeleta nabo njalo mine Magaya ... |
| 13 | Hheyi nine lapho |
| 14 | Mine sengikhatsele kunyinyitseka nginichitsa. |
| 15 | Ngiyekeleni lamadlabha lawa! |
| 16 | Sengivela bona bantfwana benu |
| 17 | Kanjalo nalababhocwa ngebubendze bangakayidli inyama! |
| 18 | Oh! Konje nitsi tifa ngamvu yinye? |
| 19 | Hhawu nebakitsi kulele kunye ... |
| 20 | Noko-ke kukuwe KUTIKHETSELA! |
| 21 | Njengobe senginivulele sifuba sami nje, |
| 22 | Vulani tingcondvo nintjintje kwenta kwenu. |
| 23 | Ningandzi ngemlomo! |
| 24 | Ntjintjani similo nintjintje lunyawo: |
| 25 | Kwakho akube kwakho KUPHELA |
| 26 | MHLONIPHENI umzala wami Ntsandvo! |

7.1 Sitsini sihloko salenkondlo?

Khetsa YINYE imphendvulo kuleti letilandzelako:

- A Tati Kutsi Ungubani
- B Ngisitimela Semalahle
- C Likhadi Lelibovu

(½)

7.2 Hlobo luni lwemvumelwano lolutfolakala kunayi imigca lengentasi?

'**Ng**ingematse nelulwimi nebuphuya nenkengane,
Ngingena ngelinceba,ngidla ngesutse,'

- A Imvumelwano sigcino
- B Imvumelwanomkhatsini
- C Imvumelwano sicalo

(1)

7.3 Bhala bunkondlo lobakhiwa ngulemisindvo ledvwetjelwe kulomugca wenkondlo lelandzelako:

'**Ng**ingena **ng**elinceba, **ng**idla ngesutse,'

(2)

7.4 Caphuna umugca wenkondlo lapho sonkondlo asebentise sentakutsi.

(2)

7.5 Ucondze kusitjelani sonkondlo uma atsi:

'Oh! Konje nitsi tifa ngamvu yinye?'

(2)

7.6 Bhala phasi lokushiwo yinkondlo. Emaphuzu awabe MATSATFU.

(3)

7.7 Yini lena leyenta kutsi sonkondlo ente tintfo letingemukeleki emphilweni yakhe?

(2)

7.8 Bunkondlo buni lesibutfole kulemigca lelandzelako?

'Hheyi nine lapho
Mina sengikhatsele kunyinyitseka nginichitsa.'

(2)

7.9 Ucondze kusitjelani sonkondlo uma atsi:

'Ngitfumbeleta nabo njalo mine
Magaya ...'

(2)

7.10 Kungani sonkondlo asebentise luphawu lolusibabato kulomugca lolandzelako:
Noko –ke, kukuwe KUTIKHETSELA !

(1)

[17½]

NOBE

UMBUTO 8

Fundza lenkondlo lengentasi bese uphendvula imibuto letawulandzela.

- | | |
|----|--|
| 1 | Kusobala kutsi ninemahloni ngami. |
| 2 | Kuyangani ningafuni ngiphume ekamelweni? |
| 3 | Kuyangani ningitfukusa uma kunetivakashi? |
| 4 | Angitentanga kutsi ngibe sidalwa. |
| 5 | Ingabe nine anikadalwa yini seningibita ngentfo lenje? |
| 6 | Sonkhe sidalwe nguMdali futsi sibantfu. |
| 7 | Nangelusuku lwekuyohola imali yami, |
| 8 | Imisebe yelilanga ayisawucabuli umtimba wami |
| 9 | Ngoba senihambela etulu niyodvonsa ebhange. |
| 10 | Nayo leyomali ngiyigcina ngeliphunga nje. |
| 11 | Nitisikela kulelinonile mine ningiphe emajwabu nje. |
| 12 | Empheleni imali yami seyaba ngeyenu. |
| 13 | Nentiwa yini nibe nemahloni ngami ngiyingati yenu? |
| 14 | Nami ngiwenu, angisiso sitebhisi semphumelelo! |

8.1 Sitsini sihloko salenkondlo?

Khetsa YINYE imphendvulo kuleti letilandzelako:

- A Sesifikile
- B Ningitfukutselelani
- C Livulandlela

(½)

8.2 Luhlobo luni lwenkondlo lolunesakhiwo lesifana nalesi senkondlo lengenhla?

Khetsa YINYE imphendvulo kuleti letilandzelako:

- A Yilirikhi
- B Yisathaya
- C Yisonethi

(1)

8.3 Ucondze kutsini sonkondlo kulomugca longentasi?

Khetsa YINYE imphendvulo kuleti letilandzelako:

'Angitentanga kutsi ngibe sidalwa'

- A Angitentanga kutsi ngibe ngulogulako.
- B Angitentanga kutsi ngibe ngulokhubatekile.
- C Angitentanga kutsi ngibe ngulohluphekile.

(1)

8.4 Ucondzeni sonkondlo nakatsi, "Nitisikela kulelinonile mine ningiphe emajwabu nje?"

(2)

8.5 Sifundvo sini ummango lekumele usifundze kulokushiwo ngulenkondlo?

(2)

- 8.6 Caphuna imigca LEMIBILI kulenkondlo lapho sonkondlo asebentise luchumanosigcino khona. (2)
- 8.7 Usitjelani sonkondlo ngalomugca lolandzelako?
'Nayo leyomali ngiyigcina ngeliphunga.' (2)
- 8.8 Ngemigca LEMIBILI bhala lokushiwo yinkondlo. (2)
- 8.9 Yini longayentela lomuntfu lokhuluma lapha kulenkondlo? Bhala kube KUTSATFU. (3)
- 8.10 Phawula ngemoya lokhona enkondlweni. Bhala emaphuzu LAMABILI. (2)
[17½]

NOBE**UMBUTO 9**

Fundza lenkondlo lengentasi bese uphendvula imibuto letawulandzela.

- | | |
|----|--|
| 1 | Khweshani kuhlobe nasenidzakwe ngumbuso, |
| 2 | Umbuso vele uyadzakana, |
| 3 | Emajazi akagcwale umoya, |
| 4 | Nivulele labafuna kusebenta basebente, |
| 5 | Sukani ngemoya lomuhle, |
| 6 | Tinyawo atigcwale ludzaka, |
| 7 | Musani kuba liphela emasini, |
| 8 | Musani kudvunga nisaphatisa lelive, |
| 9 | Nibhubhise, ningcongise umnotfo walelive. |
| 10 | Seniphendvuke Jona, |
| 11 | Lowatfunywa eNiniva wacondza eThalashishi, |
| 12 | Nani senikhohliwe lenitfunywe kona, |
| 13 | Nichuba imikhaba yekweba, |
| 14 | Bantfu benkhosi bamunya titfupha, |
| 15 | Imini yonkhe badla titfupha bantfwana baNchanti, |
| 16 | Bantfwana baSomadzili baticucudze tingalo busuku bonkhe, |
| 17 | Mlentemunye akaninyomule kusasekuhle, |
| 18 | Singakabhubhi saphela sive sakhe. |
| 19 | Sesidziniwe ngini, |
| 20 | Kodvwa nicabanga kutsi niyini vele? |
| 21 | Ngemavundvo nekucwayana kwenu, |
| 22 | Ngenca yekungatfolani kwenu asitfolani, |
| 23 | Ngekungabhobokelani kwenu asibhobokelani, |
| 24 | Lemphi yenu yimbi kabi bakitsi, |
| 25 | Lizulu ngeke nilibone. |

- 9.1 Sitsini sihloko salenkondlo? (½)

9.2 Hlobo luni lweluchumano lolutfolakala kulemigca lengentasi?

Khetsa YINYE imphendvulo kuleti letilandzelako:

'Khweshani kuhlobe nasenidzakwe ngumbuso,
Umbuso vele uyadzakana,'

A Luchumanosigcino

B Luchumano mkhatsini

C Luchumano lolutjekile

(1)

9.3 Ngabe sonkondlo ucondze kutsini ngalengkhumo lengentasi?

Khetsa YINYE imphendvulo kuleti letilandzelako:

'Bantfwana baSomadzili baticucudze tingalo busuku bonkhe.'

A Bantfwana baSomadzili bebadla kudla busuku bonkhe.

B Bantfwana baSomadzili babulewe yindlala busuku bonkhe.

C Bantfwana baSomadzili bebacoca tindzaba busuku bonkhe.

(1)

9.4 Ucondze kutsini sonkondlo kulomugca longentasi?

'Musani kuba liphela emasini,'

Khetsa YINYE imphendvulo kuleti letilandzelako:

A Musani kuba nenkhani.

B Musani kuphikelela.

C Musani kuba nesikhwele.

(1)

9.5 Ngemigca leMIBILI bhala lokushiwo yinkondlo.

(2)

9.6 Phawula ngemoya lokhona enkondlweni.

(2)

9.7 Ucondzeni sonkondlo ngalemigca lelandzelako?

'Seniphendvuke Jona,

Lowatfunywa eNiniva wacondza eThalashishi,'

(2)

9.8 Yini lekumele ummango uyente ekuvikeleni kutsi umnotfo ungacekelwa phasi ngulabo labantjontjako? Bhala KUBILI.

(2)

9.9 Lapha emgceni wema-24 sonkondlo utsi, 'Lemphi yenu yimbi kabi bakitsi,'

Ase usho kutsi bobani labaphehla lemphi?

(2)

9.10 Yini lebangela kutsi sonkondlo asebantise luphawu (!) kulomugca wenkondlo lolandzelako:

(2)

'Kahleni Bo!'

9.11 Ngekubona kwakho ngabe sonkondlo uyibhekise kubobani lenkondlo?

(2)

[17½]

NOBE

UMBUTO 10

Fundza lenkondlo lengentasi bese uphendvula imibuto lengentasi.

- | | |
|----|---|
| 1 | Washaya baniyo besipakatani |
| 2 | Wabadvunsuta besipakatani |
| 3 | Batsi nabacabanisa inhloko, beva kutsi iyashisa |
| 4 | Bagcwala tiganga nemahlatsi |
| 5 | Usemva kwabo neFRELIMO |
| 6 | Kwakhonya umfati |
| 7 | Ingenile yakakho chawe lemachawe. |
| 8 | Kwaba mnyama khwishi eveni lonkhe |
| 9 | Wangena wawangenela emaPutukezi |
| 10 | Ungahleki, futsi ungashushi |
| 11 | Wawadvudvula agibela tindiza ngematata |
| 12 | Aphindzela ePutukezi kukubi |
| 13 | Usemuva nesipakatani |
| 14 | Ashiya inyosi ngemagonso |
| 15 | Wasala advonsa umoya Soshangane |
| 16 | Waba nekuthula enhlityweni yakhe. |
| 17 | Kuhlukubetwa kwaphela esiveni semaTfonga. |

10.1 Sitsini sihloko salenkondlo?

Khetsa YINYE imphendvulo kuleti letilandzelako:

- A Sesifikile
- B Livulandlela
- C Kahleni bo!

(½)

10.2 Lenkondlo iluhlobo luni?

Khetsa YINYE imphendvulo kuleti:

- A Isonethi
- B Inkondlosililo
- C Inkondlomlandvo

(1)

10.3 Shano luhlobo lwebunkondlo loludalwa nguletinhlavu letidvwetjelwe kulemigca lelandzelako:

Khetsa YINYE imphendvulo kuleti letilandzelako:

Washaya baniyo **besipakatani**

Wabadvunsuta **besipakatani**

- A Luchumanosicalo
- B Luchumanosigcino
- C Luchumanomkhatsini

(1)

- 10.4 Ngabe lenkondlo ikhuluma ngani? Bhala imigca lemibili. (2)
- 10.5 Usitjelani sonkondlo nakatsi:
'Wabadvunsuta besipakani' (2)
- 10.6 Kungani eMaputukezi ahlaselwa nasilandzela lenkondlo? (2)
- 10.7 Bhala umoya walenkondlo ngemaphuzu laMABILI. (2)
- 10.8 Sonkondlo ufuna kusitjelani nakatsi:
'Kuhlukubetwa kwaphela esiveni seMaTfonga' (2)
- 10.9 Esitanzeni 2 sonkondlo usebentise sihabiso. Sibhale phansi. (1)
- 10.10 Bunkondlo buni lobusetjentiswe kulomugca lolandzelako:
'Ungahleki, futsi ungashushi' (2)
- 10.11 Bunkondlo buni lobutfolakala kulemigca lelandzelako?
'Kwabhonya umfati
Ingenile yakakho chawe lemachawe.' (2)
- [17½]

SAMBA SIGABA D: 35
SAMBA SISONKHE: 70